



Senin, 25 November 2024
Ogen: Ende-enden Salomo 5:7



"Ipekpeki ras Ilukai"



25

November e me wari mperingeti anti kekerasan nandangi diberu. Pengarapenta, i bas kita mperingeti wari anti kekerasan nandangi diberu enda reh teridahna perbahanen mehuli nandangi diberu, urak perbahanen kekerasan ras bulling man diberu. Reh teremna kalak mperdiateken keperluan ras keamanen diberu. Kerina ikut emperjuangkensa gelah kekerasan man diberu e ibeneken. Piga-piga data kerna kekerasan si megati ialami sekalak diberu e me : kekerasan fisik (perbulangen mekpek ndehara, rekan sekerja menekan alu mereken dahin si melampaui batas kengasupen sekalak diberu); kekerasan verbal (sekalak diberu ngaloken dengen megiken kata-kata si kurang pantas guna ibegiken/perkatan kasar). Si enda megati ialami sekalak diberu si banci encedai psikologina dengen ngelukai pusuh perukurena. Gereja perlu ncidahkan sikap ermediaten gelah kekerasan nandangi sekalak diberu lanai terjadi; khususna kategorial moria mereken perhatin si kusus dikune lit kejadi-kejadi kekerasan nandangi sekalak diberu. Baik korban si mengalami kekerasan bage pe pelaku si erbahan kekerasan, perlu tetap iperdiateken. Pengalaman selama ngelai perpulungen, lit nge perpulungen e ngalami kekerasan kususna i bas jabu/keluarga tapi ragu ia lako nurikenca man gereja/persadan i tengah-tengah moria, sabap mbiar ia reh rumitna persoalen si jadi; em sebabna maka gereja/kategorial arus lebih mperdiateken kerna perpulungenna/teman Moriana. Arah renungen, nuate gelah kerina kita la ngelakoken kekerasan man temanta si diberu, muat bagin lako nampati teman-teman si mengalami kekerasan dengen manjar-anjar mabai ia gelah pulah ia i bas kebiaren-kebiaren erkiteken pengalaman si ialamina. Jadilah kita sahabat nandangi teman-temanta si mengalami kekerasan.

☞ Pulahi dengen sampati teman si ngalami kekerasan